

page :

K025

條目：

二種福田（A）

內容：

『一者學人，二者無學人。』

出處：

※參見《中阿含經》卷 30〈大品 1〉（一二七）《福田經》(CBETA, T01, no. 26, p. 616, a10-19)：

【按：亦參 A. II. 4. 4.】

世尊告曰：「居士！世中凡有二種福田人。云何為二？一者學人，二者無學人。學人有十八，無學人有九。居士！云何十八學人？信行、法行、信解脫、見到、身證、家家、一種、向須陀洹、得須陀洹、向斯陀含、得斯陀含、向阿那含、得阿那含、中般涅槃、生般涅槃、行般涅槃、無行般涅槃、上流色究竟，是謂十八學人。居士！云何九無學人？思法、昇進法、不動法、退法、不退法、護法——護則不退不護則退、實住法、慧解脫、俱解脫，是謂九無學人。」

條目：

十八學人

內容：

『信行、法行、信解、見到、身證、家家、一種、向須陀洹、得須陀洹、向斯陀含、得斯陀含、向阿那含、得阿那含、中般涅槃、生般涅槃、行般、無行般、上流色究竟。』

出處：

※參見《中阿含經》卷 30〈大品 1〉（一二七）《福田經》(CBETA, T01, no. 26, p. 616, a10-19)：

【按：亦參 A. II. 4. 4.】

世尊告曰：「居士！世中凡有二種福田人。云何為二？一者學人，二者無學人。學人有十八，無學人有九。居士！云何十八學人？信行、法行、信解脫、見到、身證、家

家、一種、向須陀洹、得須陀洹、向斯陀含、得斯陀含、向阿那含、得阿那含、中般涅槃、生般涅槃、行般涅槃、無行般涅槃、上流色究竟，是謂十八學人。居士！云何九無學人？思法、昇進法、不動法、退法、不退法、護法——護則不退不護則退、實住法、慧解脫、俱解脫，是謂九無學人。」

條目：

九無學

內容：

『思法、昇進法、不動法、退法、不退法、護法，護則不退不護則退、實住法、慧解脫、俱解脫。』中三十·2

出處：

※參見《中阿含經》卷 30〈大品 1〉(一二七)《福田經》(CBETA, T01, no. 26, p. 616, a10-19)：

【按：亦參 A. II. 4. 4.】

世尊告曰：「居士！世中凡有二種福田人。云何為二？一者學人，二者無學人。學人有十八，無學人有九。居士！云何十八學人？信行、法行、信解脫、見到、身證、家家、一種、向須陀洹、得須陀洹、向斯陀含、得斯陀含、向阿那含、得阿那含、中般涅槃、生般涅槃、行般涅槃、無行般涅槃、上流色究竟，是謂十八學人。居士！云何九無學人？思法、昇進法、不動法、退法、不退法、護法——護則不退不護則退、實住法、慧解脫、俱解脫，是謂九無學人。」

條目：

居士正行 (A)

內容：

『白衣聖弟子，善護行五法（持五戒），及得四增上心，現法樂居，易不難得。汝當記別得須陀洹。』

出處：

※參見《中阿含經》卷 30〈大品 1〉(一二八)《優婆塞經》(CBETA, T01, no. 26, p. 616, b9-15)：

【按：亦參 A. V. 179. Gihī.】

「尊者舍梨子及眾坐已定，世尊告曰：『舍梨子！若汝知白衣聖弟子善護行五法及得四增上心，現法樂居，易不難得。舍梨子！汝當記別聖弟子地獄盡，畜生、餓鬼及諸惡處亦盡，得須陀洹，不墮惡法，定趣正覺，極受七有，天上人間七往來已而得苦邊。』」

條目：

四增上心

內容：

『聖弟子念如來（十號），……若有惡欲即便得滅，心中有不善、穢污、愁苦、憂戚亦復得滅。……念法，世尊善說法，必至究竟，無煩無熱，常有不移動。如是觀、如是覺、如是知，若有惡欲……得滅。……念眾，如來聖眾善趣正趣，向法次法，順行如法，彼眾實有四雙八輩。謂如來眾成就尸賴，……解脫知見，可敬重奉供，世良福田。若有惡欲……，息念尸賴，此尸賴不缺，……具善受持。若有惡欲……亦復得滅。……得此四增上心，現法樂居，易不難得。』中三十·3

出處：

※參見《中阿含經》卷 30〈大品 1〉（一二八）《優婆塞經》(CBETA, T01, no. 26, p. 616, c6-p. 617, a13)：

【按：亦參 A. V. 179. Gihī.】

「舍梨子！白衣聖弟子云何得四增上心，現法樂居，易不難得？白衣聖弟子念如來，彼如來、無所著、等正覺、明行成為、善逝、世間解、無上士、道法御、天人師，號佛、眾祐。如是念如來已，若有惡欲即便得滅，心中有不善、穢污、愁苦、憂戚亦復得滅。白衣聖弟子攀緣如來，心靖得喜。若有惡欲即便得滅，心中有不善、穢污、愁苦、憂戚亦復得滅。白衣聖弟子得第一增上心，現法樂居，易不難得。

「復次，舍梨子！白衣聖弟子念法，世尊善說法，必至究竟，無煩無熱，常有不移動。如是觀、如是覺、如是知、如是念法已，若有惡欲即便得滅，心中有不善、穢污、愁苦、憂戚亦復得滅。白衣聖弟子攀緣法，心靖得喜。若有惡欲即便得滅，心中有不善、穢污、愁苦、憂戚亦復得滅。白衣聖弟子得此第二增上心。

「復次，舍梨子！白衣聖弟子念眾，如來聖眾善趣正趣，向法次法，順行如法，彼眾實有阿羅訶、趣阿羅訶，有阿那含、趣阿那含，有斯陀含、趣斯陀含，有須陀洹、趣須陀洹，是謂四雙八輩。謂如來眾成就尸賴，成就三昧，成就般若，成就解脫，成就解脫知見，可敬可重，可奉可供，世良福田。彼如是念如來眾，若有惡欲即便得滅，心中有不善、穢污、愁苦、憂戚亦復得滅。白衣聖弟子攀緣如來眾，心靖得喜，若有

惡欲即便得滅，心中有不善、穢污、愁苦、憂感亦復得滅。白衣聖弟子是調得第三增上心，現法樂居，易不難得。

「復次，舍梨子！白衣聖弟子**自念尸賴，此尸賴不缺不穿，無穢無濁，住如地不虛妄，聖所稱譽，具善受持**。彼如是自念尸賴，**若有惡欲**即便得滅，心中有不善、穢污、愁苦、憂感亦復得滅。白衣聖弟子攀緣尸賴，心靖得喜，若有惡欲即便得滅，心中有不善、穢污、愁苦、憂感亦復得滅。白衣聖弟子是調得第四增上心，現法樂居，易不難得。」

條目：

瞋為七怨家（A）

內容：

『有七怨家法而作怨家，調瞋恚時來。……「色惡」，……「憂苦眠」，……「應得利而不得利，應不得利而得利。此二法更互相違，大得不利」，……「親朋捨離避去」，……「惡名醜聲，周聞諸方」，……「身、口、意行，使彼大失財物」，……「身、口、意惡行已，身壞命終，必至惡處。』中三十·4

出處：

※參見《中阿含經》卷 30〈大品 1〉（一二九）《怨家經》(CBETA, T01, no. 26, p. 617, b22-p. 618, a9)：

【按：亦參 A. VII. 60. Kodhanā.】

爾時，世尊告諸比丘：「有七怨家法而作怨家，調男女輩瞋恚時來。云何為七？怨家者，不欲令怨家有好色。所以者何？怨家者，不樂怨家有好色，人有瞋恚，習瞋恚，瞋恚所覆，心不捨瞋恚，彼雖好沐浴，名香塗身，然**色故惡**。所以者何？因瞋恚所覆，心不捨瞋恚故。是調第一怨家法而作怨家，調男女輩瞋恚時來。

「復次，怨家者，不欲令怨家安隱眠。所以者何？怨家者，不樂怨家安隱眠，人有瞋恚，習瞋恚，瞋恚所覆，心不捨瞋恚。彼雖臥以御床，敷以氍毹、毳毼，覆以錦綺羅縠，有觀體被，兩頭安枕，加陵伽波憍邏、波遮悉多羅那，然故**憂苦眠**。所以者何？因瞋恚所覆，心不捨瞋恚故。是調第二怨家法而作怨家，調男女輩瞋恚時來。

「復次，怨家者，不欲令怨家得大利。所以者何？怨家者，不樂怨家得大利，人有瞋恚，習瞋恚，瞋恚所覆，心不捨瞋恚。彼**應得利而不得利，應不得利而得利。彼此二法更互相違，大得不利**。所以者何？因瞋恚所覆，心不捨瞋恚故。是調第三怨家法而作怨家，調男女輩瞋恚時來。

「復次，怨家者，不欲令怨家有朋友。所以者何？怨家者，不樂怨家有朋友，人有瞋恚，習瞋恚，瞋恚所覆，心不捨瞋恚。彼若有親朋友，捨離避去。所以者何？因瞋恚所覆，心不捨瞋恚故。是謂第四怨家法而作怨家，謂男女輩瞋恚時來。

「復次，怨家者，不欲令怨家有稱譽。所以者何？怨家者，不樂怨家有名稱，人有瞋恚，習瞋恚，瞋恚所覆，心不捨瞋恚。彼惡名醜，聲周聞諸方。所以者何？因瞋恚所覆，心不捨瞋恚故。是謂第五怨家法而作怨家，謂男女輩瞋恚時來。

「復次，怨家者，不欲令怨家極大富。所以者何？怨家者，不樂怨家極大富，人有瞋恚，習瞋恚，瞋恚所覆，心不捨瞋恚。彼作如是身、口、意行，使彼大失財物。所以者何？因瞋恚所覆，心不捨瞋恚故。是謂第六怨家法而作怨家，謂男女輩瞋恚時來。

「復次，怨家者，不欲令怨家身壞命終，必至善處，生於天上。所以者何？怨家者，不樂怨家往至善處，人有瞋恚，習瞋恚，瞋恚所覆，心不捨瞋恚，身、口、意惡行，彼身、口、意惡行已，身壞命終，必至惡處，生地獄中。所以者何？因瞋恚所覆，心不捨瞋恚故。是謂第七怨家法而作怨家，謂男女輩瞋恚時來。此七怨家法而作怨家，謂男女輩瞋恚時來。」

條目：

沙門法（A）

內容：

『罵者不罵，瞋者不瞋，破者不破，打者不打。如是，沙門住沙門法。』 中三十·5

出處：

※參見《中阿含經》卷 30〈大品 1〉（一三〇）《教曇彌經》(CBETA, T01, no. 26, p. 619, b18-25)：

【按：亦參 A. VI. 54. Dhammika.】

「天復白曰：『拘翼！我樹天不住樹天法，從今日始樹天住樹天法，願善住尼拘類樹王還復如本。』於是，天帝釋作如其像如意足，作如其像如意足已，復化作大水暴風雨，化作大水暴風雨已，善住尼拘類樹王即復如故。如是，曇彌！若有比丘罵者不罵，瞋者不瞋，破者不破，打者不打。如是，曇彌！沙門住沙門法。」

條目：

自殺瞋因（A）

內容：

『雖愛念己身，瞋者亦自害。』中三十·4

出處：

※參見《中阿含經》卷 30〈大品 1〉(一二九)《怨家經》(CBETA, T01, no. 26, p. 618, a9-b16)：

【按：亦參 A. VII. 60. Kodhanā.】

於是，世尊說此頌曰：

「瞋者得惡色， 眠臥苦不安，
應獲得大財， 反更得不利。
親親善朋友， 遠離瞋恚人，
數數習瞋恚， 惡名流諸方。
瞋作身口業， 恚纏行意業，
人為恚所覆， 失一切財物。
瞋恚生不利， 瞋恚生心穢，
恐怖生於內， 人所不能覺。
瞋者不知義， 瞋者不曉法，
無目盲闇塞， 謂樂瞋恚人。
恚初發惡色， 猶火始起烟，
從是生憎嫉， 緣是諸人瞋。
若瞋者所作， 善行及不善，
於後瞋恚止， 煩熱如火燒。
所謂煩熱業， 及諸法所纏，
彼彼我今說， 汝等善心聽。
瞋者逆害父， 及於諸兄弟，
亦殺姊與妹， 瞋者多所殘。
所生及長養， 得見此世間，

因彼得存命， 此母瞋亦害。
無羞無慚愧， 瞋纏無所言，
人為恚所覆， 口無所不說。
造作癡罪逆， 而自夭其命，
作時不自覺， 因瞋生恐怖。
繫著自己身， 愛樂無極已，
雖愛念己身， 瞋者亦自害。
以刀而自刺， 或從巖自投，
或以繩自絞， 及服諸毒藥。
如是像瞋恚， 是死依於恚，
彼彼一切斷， 用慧能覺了。
小小不善業， 慧者了能除，
當堪耐是行， 欲令無惡色。
無恚亦無憂， 除烟無貢高，
調御斷瞋恚， 滅訖無有漏。」

佛說如是。彼諸比丘聞佛所說，歡喜奉行。

條目：

魔事（A）

內容：

『罵詈，恭敬——罵詈應生四無量心；恭敬供養應觀無常死滅。』中三十·6

出處：

※參見《中阿含經》卷 30〈大品 1〉（一三一）《降魔經》(CBETA, T01, no. 26, p. 621, b2-p. 622, a1)：

【按：亦參 M. 50. Māratajjaniya sutta.】

「波旬！覺礫拘苟大如來、無所著、等正覺弟子用傷其頭，裂壞其衣，破其應器已，往詣覺礫拘苟大如來、無所著、等正覺所。爾時，覺礫拘苟大如來、無所著、等正覺無量百千眷屬圍遶而為說法。覺礫拘苟大如來、無所著、等正覺遙見弟子頭傷、衣裂、鉢破而來，見已，告諸比丘：『汝等見不？惡魔教勅梵志、居士：「汝等共來罵詈精進沙門，打破噴數。所以者何？或罵打破責數時，儻能起惡心，令我得其便。」比丘！汝等當以心與慈俱，遍滿一方成就遊。如是二三四方、四維上下，普周一切，**心與慈俱**，無結無怨，無恚無諍，極廣甚大，無量善修，遍滿一切世間成就遊。如是**悲、喜心與捨俱**，無結無怨，無恚無諍，極廣甚大，無量善修，遍滿一切世間成就遊，令惡魔求便不能得便。』」……

「波旬！覺礫拘苟大如來、無所著、等正覺弟子得奉敬、供養、禮事已，往詣覺礫拘苟大如來、無所著、等正覺所。是時，覺礫拘苟大如來、無所著、等正覺無量百千眷屬圍遶而為說法。覺礫拘苟大如來、無所著、等正覺遙見弟子得奉敬、供養、禮事而來，見已，告諸比丘：『汝等見不？惡魔教勑梵志、居士：「汝等共來奉敬、供養、禮事精進沙門、或以**奉敬、供養、禮事**精進沙門，儻能起惡心，令我得其便。」比丘！汝等**當觀諸行無常**，觀興衰法，觀無欲，觀捨離，觀滅，觀斷，令惡魔求便而不能得。』波旬！覺礫拘苟大如來、無所著、等正覺以此教教諸弟子，彼即受教，**觀一切行無常，觀興衰法，觀無欲，觀捨離，觀滅，觀斷**，令惡魔求便而不能得。」

條目：

四衰

內容：

『病衰、老衰、財衰、親衰。』中三十一

出處：

※參見《中阿含經》卷 31〈大品 1〉(一三二)《賴吒毖羅經》(CBETA, T01, no. 26, p. 626, a20-28)：

【按：亦參 M. 82. Raṭṭhapāla sutta.】

「復次，賴吒毖羅！有四種衰，謂衰衰故，剃除鬚髮，著袈裟衣，至信、捨家、無家、學道。云何為四？**病衰、老衰、財衰、親衰**。賴吒毖羅！云何病衰？或有一人長病疾患，極重甚苦，彼作是念：『我長病疾患，極重甚苦，我實有欲，不能行欲，我今寧可剃除鬚髮，著袈裟衣，至信、捨家、無家、學道。』彼於後時以病衰故，剃除鬚髮，著袈裟衣，至信、捨家、無家、學道，是為病衰。」

條目：

聞四事出家

內容：

『此世無護，無可依恃；……此世一切趣向老法；……此世無常，要當捨去；……此世無滿，無有厭足，為愛走使。……我欲忍樂是，我知見聞是，是故……捨家、無家、學道。』中三十一

出處：

※參見《中阿含經》卷 31〈大品 1〉(一三二)《賴吒毖羅經》(CBETA, T01, no. 26, p. 626, c7-13)：

【按：亦參 M. 82. Raṭṭhapāla sutta.】

尊者賴吒毖羅答曰：「大王！世尊知、見，如來、無所著、等正覺為說四事，我欲忍樂是，我知見聞是，是故剃除鬚髮，著袈裟衣，至信、捨家、無家、學道。云何為四？大王！此世無護，無可依恃，此世一切趣向老法，此世非常，要當捨去，此世無滿，無有厭足，為愛走使。」

條目：

業

內容：

『我施設三業，令不行惡業。……我施設意業為最重，令不行惡業，不作惡業。身業、口業則不然也。』

出處：

※參見《中阿含經》卷 32〈大品 1〉(一三三)《優婆離經》(CBETA, T01, no. 26, p. 628, b20-29)：

【按：亦參 M. 56. Upāli sutta.】

世尊又復答曰：「苦行！我施設三業，令不行惡業，不作惡業。云何為三？身業、口業及意業也。」……

世尊又復答曰：「苦行！此三業如是相似，我施設意業為最重，令不行惡業，不作惡業。身業、口業則不然也。」

條目：

意業為大

內容：

一、『行來時，多殺大小虫，……若思者有大罪，若無思者無大罪。』二、『有天名意著，彼尼撻命終，若意著死者，必生彼處。』三、有大神力者，『心得自在，若發一瞋念，能令一切國一切人民燒使成灰。』中三十二

出處：

※參見《中阿含經》卷 32〈大品 1〉(一三三)《優婆離經》(CBETA, T01, no. 26, p. 629, b21-26)：

【按：亦參 M. 56. Upāli sutta.】

世尊問曰：「居士！於意云何？若有尼撻來，好喜於布施，樂行於布施，無戲、樂不戲，為極清淨，極行呪也。若彼行來時，多殺大小蟲，云何？居士！尼撻親子於此殺生施設報耶？」

優婆離居士答曰：「瞿曇！若思者有大罪，若無思者無大罪也。」

※參見《中阿含經》卷 32〈大品 1〉(一三三)《優婆離經》(CBETA, T01, no. 26, p. 629, c6-7)：

【按：亦參 M. 56. Upāli sutta.】

優婆離居士答曰：「瞿曇！有天名意著，彼尼撻命終，若意著死者，必生彼處。」

※參見《中阿含經》卷 32〈大品 1〉(一三三)《優婆離經》(CBETA, T01, no. 26, p. 629, c26-p. 630, a1)：

【按：亦參 M. 56. Upāli sutta.】

優婆離居士答曰：「瞿曇！何但一那難陀？何但二、三、四？瞿曇！彼沙門、梵志有大如意足，有大威德，有大福祐，有大威神，心得自在，若發一瞋念，能令一切國一切人民燒使成灰，況一那難陀耶？」

條目：

無諍，寬容

內容：

『汝默然行，勿得宣言，（改宗佛教）如是勝人，默然為善。』『彼尼揅等，汝家長夜所尊敬，若其來者，汝當隨力供養於彼。』中三十二

出處：

※參見《中阿含經》卷 32〈大品 1〉（一三三）《優婆離經》(CBETA, T01, no. 26, p. 630, a24-26)：

【按：亦參 M. 56. Upāli sutta.】

世尊告曰：「居士！汝默然行，勿得宣言，如是勝人默然為善。」

※參見《中阿含經》卷 32〈大品 1〉（一三三）《優婆離經》(CBETA, T01, no. 26, p. 630, b8-9)：

【按：亦參 M. 56. Upāli sutta.】

世尊告曰：「居士！彼尼揅等，汝家長夜所共尊敬，若其來者，汝當隨力供養於彼。」

條目：

苦之因本（D）

內容：

『念者，……由思故有，……由念故有欲，由欲故有愛、不愛，由愛、不愛故有慳、嫉，由慳、嫉故有刀杖、鬭諍、憎嫉、諛諂、欺誑、妄言、兩舌，心中生無量惡不善之法，如是此純大苦陰生。』中三十三·1

出處：

※參見《中阿含經》卷 33〈大品 1〉（一三四）《釋問經》(CBETA, T01, no. 26, p. 635, b24-c5)：

【按：亦參 D. 21. Sakkapañha sutta.】

世尊聞已，答曰：「拘翼！念者，因思緣思，從思而生，由思故有，若無思者，則無有念，由念故有欲，由欲故有愛、不愛，由愛、不愛故有慳、嫉，由慳、嫉故有刀杖、鬭諍、憎嫉、諛諂、欺誑、妄言、兩舌，心中生無量惡不善之法，如是此純大苦陰生。若無思者，則無有念，若無念者，則無有欲，若無欲者，則無愛、不愛，若無愛、不愛者，則無慳、嫉，若無慳、嫉者，則無刀杖、鬭諍、憎嫉、諛諂、欺誑、妄言、兩舌，心中不生無量惡不善之法，如是此純大苦陰滅。」